

ZAPISNIK
SA XII PROŠIRENE SJEDNICE UPRAVNOG ODBORA
UDRUŽENJA POSLODAVACA FBiH
održane dana 28.02.2018. godine sa početkom u 13:00 časova,
u prostorijama ASA GROUP (Bulevar Meše Selimovića 16.) u Sarajevu

Sjednici su prisustvovali članovi Upravnog odbora UPFBiH: Adnan Smailbegović, Eldin Hadžiselimović, Safudin Čengiđ, Snježana Kopruner, Kemal Čolak, Nijaz Skenderagić, Suad Ećo i Izet Imamović.

Sjednici su po ovlaštenju članova Upravnog odbora UPFBiH prisustvovali: Bojan Vučković (po ovlaštenju Krasnodara Darke Petrovića), Jasenka Pačariz (po ovlaštenju Sanela Kusturice), Nedžad Sadić (po ovlaštenju Rusmira Hrvica), Alija Čolaković (po ovlaštenju Nurdina Peštalića), Ibrahim Meškić (po ovlaštenju Adise Karahodžić) i Amir Međić (po ovlaštenju Ramiza Grapkića).

Sjednici nisu prisustvovali članovi Upravnog odbora UPFBiH: Kemal Hrnjić, Vilim Primorac, Tomislav Slišković, Mario Čulina, Marin Raspudić, Ante Suton i Enisa Bekto, koji su opravdali svoje odsustvo.

Sjednici su prisustvovali članovi ESV-a za teritoriju FBiH: Ivan Luburić.

Sjednici su prisustvovali i predsjednici kantonalnih i granskih Grupacija UPFBiH.

Ispred UP FBiH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBiH Adnan Smailbegović i predložio slijedeći:

DNEVNI RED

1. Usvajanje Zapisnika sa XI proširene sjednice UO;
2. Donošenje Odluke o raskidu Opšteg kolektivnog ugovora za teritoriju FBiH;
3. Razmatranje i usvajanje Odluke o otpisu osnovnih sredstava;
4. Razmatranje:
 - a) Inicijativa za donošenje Zakona o finansijskom poslovanju;
 - b) Inicijativa za donošenje izmjena Zakona o zdravstvenom osiguranju;
 - c) Inicijativa za donošenje Izmjenama i dopunama Zakona o porezu na dobit;
 - d) Inicijativa za izmjenu Zakona o fiskalnim sistemima;
 - e) Amandmani UPFBiH na Zakon o računovodstvu i reviziji;
 - f) Amandmani na Zakon o stečaju
5. Razmatranje Prijedloga Zakona o izmjeni Zakona o doprinosima;
6. Razmatranje Inicijative Vlade FBiH za unaprjeđenje rada ESV-a;

7. Razmatranje Inicijative ANU BIH za saradnju na realizaciji Projekta. „Harmonizacija systemske nauke u BIH“
8. Informacija o Godišnjem obračunu UPFBiH za 2017. godinu;
9. Utvrđivanje datuma i mjesta održavanja Skupštine UPFBiH;
10. Tekuća pitanja.

Pod tačkom tekuća pitanja na prijedlog direktora uvršteno je:

- a) Izjašnjavanje o Koncept noti koja je upućena MOR-u za Projekat "Unaprjeđenje poslovnog okruženja ekonomskog rada i životnog standarda kroz izradu 8. Zakonskih prijedloga";
- b) Izjašnjenje o Koncept noti koja je upućena MOR-u za Izradu web aplikacije " pružanje pravnih usluga članovima";

Na prijedlog Salema Ekmešić, potredsjednika Skupštine uvršteno je:

- c) Blokiranje magistralnih puteva;

Na prijedlog Envera Malagića uvršteno je:

- d) Odluka FERK-a o poskupljenju el. energije

Na prijedlog Safudina Čengića uvršteno je:

- e) Doprinosi za domaće uposlenike koji rade u međunarodnim organizacijama -
- f) Fisiklani uređaji - Safudin Čengić

Dnevni red je uz navedene prijedloge usvojen jednoglasno.

RASPRAVLJANJE PO TAČKAMA DNEVNOG REDA

Tačka 1. Usvajanje zapisnika sa XI proširene sjednice UO UP FBiH

Predsjednik UO je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.: Zapisnik sa XI proširene sjednice UO UP FBiH je jednoglasno usvojen.

Tačka 2. Donošenje Odluke o raskidu Opšteg kolektivnog ugovora za teritoriju FBiH;

Predsjednik UO je upoznao prisutne sa ovom tačkom dnevnog reda ističući da je na osnovu Odluke Izvršnog odbora o pokretanju inicijative za izmjene i dopune Opšteg kolektivnog Ugovora za teritoriju FBiH broj I-295/17 od 05.09.2017. godine, koja je potvrđena od strane UO, Odluke o imenovanju pregovaračkog tima za vođenje pregovora i zaključivanje OKU broj I-296/17 i člana 23. Općeg kolektivnog ugovora za teritoriju FBiH, pregovarački tim UPFBiH je pokrenuo Inicijativu za izmjene i dopune Općeg kolektivnog Ugovora za teritoriju FBiH. Pregovori su vođeni tri

mjeseca i u protekla tri mjeseca u kojem su održana tri sastanka sa Sindikatom UPFBiH nije uspjelo postići dogovor sa SSSBIH.

Direktor UPFBiH gđin. Mladen Pandurević je istakao, obzirom da u roku od tri (3) mjeseca, nije postignut dogovor o izmjenama i dopunama kolektivnog ugovora, prema članu 26. stav 1. alineja 3. Općeg kolektivnog Ugovora za teritoriju FBiH svaka strana potpisnica ima pravo da raskine kolektivni ugovor.

Također, direktor UPFBiH je napomenuo da je Vlada FBiH, prema Izmjenama i dopunama Zakona o radu koji je na usaglašavanju između domova Parlamenta FBiH i čije se stupanje na snagu očekuje uskoro, oduzela pravo socijalnim partnerima da određuju minimalnu platu kao i da potpisuju OKU. Prema navedenim Izmjenama i dopunama OKU će potpisivati reprezentativno Udruženje poslodavaca, sindikat i Vlada. S tim u vezi nema potrebe za zaključivanje novog Općeg kolektivnog Ugovora za teritoriju FBiH.

Shodno navedenom predlaže se Upravnom odboru da na osnovu člana 141. stav 2. Zakona o radu i člana 26. stav 1. alineja 3. **Općeg kolektivnog Ugovora za teritoriju FBiH ("Službene novine FBiH" broj 48/16 i 62/16)** donese **Odluku o raskidu navedenog Općeg kolektivnog ugovora.**

Predsjednik je otvorio raspravu po ovom pitanju. Svi prisutni su podržali prijedlog da se Opći kolektivni Ugovor raskine.

Obzirom da nije bilo drugih prijedloga doneseni su sljedeći:

A.D.2.1. Upravni odbor jednoglasno donio Odluku o raskidanju Općeg kolektivnog Ugovora za teritoriju FBiH.

A.D.2.2. Odluka o raskidu Općeg kolektivnog ugovora za teritoriju FBiH biće objavljena u Službenim novinama FBiH.

Tačka 3. Razmatranje i usvajanje Odluke o otpisu osnovnih sredstava

Gđin. Mladen Pandurević je istakao da je potrebno da UO donese Odluku o otpisu osnovnih sredstava, dva laptopa, laptop marke IDEAPAD U300S ULTRABOOK, vlasništvo Udruženja poslodavaca FBiH, koji je korišten od strane Mladena Pandurevića i laptop marke IDEAPAD G570GC NOTEBOOK, vlasništvo Udruženja poslodavaca FBiH, a koji je korišten od strane radnice Vesne Smajlović, fotoaparat marke NIKON COOLPIX L 810 i faks marke CANON B-155, vlasništvo Udruženja poslodavaca FBiH. Navedena sredstva nisu više u funkciji i ne mogu se upotrebljavati zbog kvara na istim.

Nakon glasanja donesen je sljedeći:

A.D. 3.1. Obzirom na činjenicu da su navedena sredstva neupotrebljiva Upravni odbor

Udruženja poslodavaca FBiH je jednoglasno donio Odluku o otpisu sredstava.

Tačka 4. Razmatranje:

- a) Inicijativa za donošenje Zakona o finansijskom poslovanju;
- b) Inicijativa za donošenje izmjena Zakona o zdravstvenom osiguranju;
- c) Inicijativa za donošenje Izmjenama i dopunama Zakona o porezu na dobit;
- d) Inicijativa za izmjenu Zakona o fiskalnim sistemima;
- e) Amandmani UPFBiH na Zakon o računovodstvu i reviziji;
- f) Amandmani na Zakon o stečaju

Mladen Pandurević je upoznao prisutne da je Udruženje poslodavaca u FBiH pokrenulo aktivnosti za pokretanje inicijativa za donošenje i usvajanje navedenih zakona i izmjena i dopuna zakona te da će u narednom periodu aktivno raditi na ovim zakonima. Cilj je da se do kraja mandata ove postojeće Vlade navedeni zakoni odnosno amandmani na zakone usvoje u formi koju je predložilo Udruženje poslodavaca u FBiH.

Nakon rasprave donesen je sljedeći:

A.D.4.1. Inicijative za navedene zakone su jednoglasno usvojene i podržane od strane UO. Inicijative su sastavni dio zapisnika.

Tačka 5. Razmatranje Prijedloga Zakona o izmjeni Zakona o doprinosima;

Vežano za ovu tačku dnevnog reda gđin. Smailbegović je istakao da je tačku kandidovala gđa. Snježana Kopruner. Također je istakao da je Prijedlogom Zakona o izmjeni Zakona o doprinosima produžen rok za niskoakumulativne djelatnosti u pogledu smanjenja osnovice za uplatu doprinosa. Ova praksa traje već 12 godina i smatra da bi bilo neprimjereno da sada UPFBiH reaguje po tom pitanju. Također je istakao da i one kompanije koje mogu koristiti ove povlastice ne koriste ih jer plate su enormno povećane u sektoru tekstilne i kožne industrije. Gđin. Smailbegović je istakao da Udruženje poslodavaca FBiH mora raditi na smanjenju doprinosa svima i onda neće biti potrebe za uvođenjem ovakvih povlastica.

Gđa. Snježana Kopruner je istakla da nije fer prema ostalim granama da se ovi problemi rješavaju parcijalno i bez ikakve diskusije u UP. Ovim zakonom se HITNO rješavaju troškovi rada oko 25.000 zaposlenih u tekstilnoj i kožarskoj industriji, što povećava dobit u ovim granama. Koliko je koja grana profitabilna vidi se po dobiti koju ostvaruje, a ne u koju grupu smo je svrstali. Mišljenja je da nam nije cilj da se pretvorimo u zemlju sa „niskoakumulativnim granama industrije“ i neobrazovanom radnom snagom. Predložila je da se sa Vladom sjedne i da se porazgovara na ovu temu.

Gđin. Čengić je u diskusiji predložio da se povlastice trebaju proširiti na grane koje su također

niskoakumulativne grane. UPFBiH treba insistirati ne da se ukinu postojeće povlastice već da se napravi da oni koji objektivno imaju potrebu za državnom potporom u smanjenju opterećenja a u cilju zadržavanja broja zaposlenih da se to omogući iz bilo kojih sredstava.

Nakon diskusije zaključeno je:

A.D. 5.1. Po ovoj tački nije bilo potrebe da se donosi poseban zaključak. Prijedlog Zakona o izmjenama i dopunama Zakona o doprinosima je išao u hitnu proceduru zajedno sa Zakonom o izmjenama i dopunama Zakona o visini zatezne kamate na javne prihode, tako da Udruženje nije moglo reagovati po ovim pitanjima.

A.D. 5.2. Potrebno je u okviru novog Zakona o doprinosima tražiti smanjenje doprinosa i proširenje povlastica i na druge djelatnosti.

Tačka 6. Razmatranje Inicijative Vlade FBiH za unaprijeđenje rada ESV-a;

Vezano za ovu tačku dnevnog reda gđin. Smailbegović je upoznao prisutne da je Vlada pokrenula inicijativu za unaprijeđenje rada ESV-a FBiH prema kojoj predlažu socijalnim partnerima izmjene vezano u radu ESV- akoje se odnose na:

- održavanje redovnih i vanrednih sjednica koje bi prema prijedlogu umjesto dosadašnjeg mjesečnog održavanja, trebalo održavati kvartalno sa mogućnošću održavanja vanrednih sjednica;
- da se na sjednicama umjesto zaključaka usvajaju preporuke;
- da se umjesto izbora predsjednika uvede predsjedavajući ESV- a koji će biti iz reda socijalnih partnera i koji će se rotirati svakih šest mjeseci;
- da se uvede institut zamjenika članova ESV-a u smislu da ministri ne moraju prisustvovati sjednicama;
- da se unaprijedi način informiranja javnosti o aktivnostima ESV-a te
- da svaki partner iz svog budžeta osigura naknadu članovima delegacije ESV-a

Neki prijedlozi su prihvatljivi dok određeni prijedlozi ni u kom slučaju ne bi trebalo prihvatiti. Predsjednik je otvorio diskusiju po ovoj tački i zamolio članove UO da se izjasne.

Gđin. Čengiđ je istakao da je ovo put ka ukidanju ESV-a ili pretvaranje ESV-a u neko tijelo koje neće imati nikakvu ulogu i značaj. To govori o tome da su se Vlada i savjetnici zasitili mišljenja drugih i oni to žele da ukinu. Ne treba se oglušiti o ovu inicijativu nego treba predsjednik i direktor osmisliti diplomatski odgovor koji će podržati određene aktivnosti a druge stvari odbiti.

Nakon diskusije donesen je sljedeći:

A.D. 6.1. Prilikom realizacije navedene Inicijative UPFBiH će voditi računa da je najveći interes da se održi socijalni dijalog te da se ne umanja značaj, intezitet rada i stepen djelovanja ESV-a. Udruženje poslodavaca FBiH će u cilju zaštite svojih interesa na bazi pregovora zajedno sa Vladom i sindikatima donijeti najbolje moguće rješenje.

Tačka 7. Razmatranje Inicijative ANU BIH za saradnju na realizaciji Projekta „Harmonizacija sistemske nauke u BiH

Vezano za ovu tačku dnevnog reda direktor UPFBiH je rekao da prema Statutu UPFBiH donosi odluku o saradnji na projektima te da predlaže da OU podrži Inicijativu ANU BIH za saradnju na realizaciji Projekta „Harmonizacija sistemske nauke u BiH“. Prema navednoj inicijativi ANU BIH od UPFBiH traži samo pomoć u distribuiranju upitnika svojim članicama. Tako da direktor smatra da je to UPFBiH može uraditi.

Nakon diskusije donesen sljedeći:

A.D. 7.1. Upravni odbor je jednoglasno podržao Inicijativu za saradnju UPFBiH sa ANU BiH na realizaciji Projekta „Harmonizacija sistemske nauke u BiH.

Tačka 8. Informacija o Godišnjem obračunu UPFBiH za 2017. godinu;

Direktor UPFBiH je informisao članove UO o Godišnjem obračunu UPFBiH za 2017. godinu. Prema obračunu prihodi u 2017. godini u odnosu na 2016. godinu realno su veći za 61,83% što predstavlja značajan pomak. Pojačnim naporima zaposlenika Udruženja povećan je stepen naplate članarine koja je u 2017. godini veća za 91.117 KM ili 32,7%.

Ukupno ostvareni rashodi u 2017. godini od 362.121 KM, u odnosu na 2016. godinu, veći su za 78.596 KM ili 27,7% zbog većeg iznosa mase sredstava za plaće i ostala primanja zaposlenih, povećanog obima korištenja usluga te rashoda po osnovu troškova projekta odnosno donacija humanitarnim organizacijama.

Plaće i ostala primanja zaposlenih nisu povećavana u 2017. godini ali je došlo do povećanja broja zaposlenika. Poštojući odluke Skupštine Udruženja poslodavaca o kadrovskom jačanju Udruženja od 01.01.2017. godine zaposlene su dvije nove osobe na poslovima finansija i PR-a. Dvije zaposlenice su se vratile sa porodijskog odsustva u toku navedene godine. Do povećanja troškova je došlo i realizacijom odluke Skupštine Udruženja o otvaranju ureda van Sarajeva. Otvaranjem ureda u Zenici od početka 2017. godine u Grupaciji poslodavaca ZE-Do kantona angažovana je jedna osoba na poslovima sekretara na pola radnog vremena. Sve navedeno je dovelo do povećanja mase sredstava za plaće i ostala primanja zaposlenih za 51,8% u odnosu na prethodnu godinu.

Nakon diskusije donesen je sljedeći:

A.D. 8.1. Članovi UO su primili na znanje Informaciju o godišnjem izveštaju koji će usvojiti Skupština UPFBiH

A.D. 8.2. Ovlašćuje se Mladen Pandurević, direktor Udruženja poslodavaca da izvrši izbor i angažuje nezavisnog ovlaštenog revizora koji će izvršiti reviziju Finansijskog izvještaja UPFBiH za 2017. godinu.

Tačka 9. Utvrđivanje datuma i mjesta održavanja Skupštine UPFBiH;

Vezano za ovu tačku dnevog reda predsjednik je istakao da je praksa da se Skupština održava svake godine krajem marta ili početkom aprila nakon godišnjih obračuna. S tim u vezi potrebno je utvrditi datum održavanja Skupštine.

Nakon diskusije donesen je sljedeći:

A.D. 9.1. UO je jednoglasno donio Odluku o utvrđivanju datuma i mjesta održavanja Skupštine. Datum održavanja Skupštine je srijeda 04.04.2018. godine. Mjesto održavanja Skupštine je Sarajevo. Vrijeme i mjesto održavanja Skupštine će se naknadno odrediti.

Tačka 10. Tekuća pitanja;

Pod tačkom tekuća pitanja raspravljano je sljedeće:

- a) Izjašnjavanje o Koncept noti koja je upućena MOR-u za Projekat "Unaprjeđenje poslovnog okruženja ekonomskog rada i životnog standarda kroz izradu 8. Zakonskih prijedloga”;
- b) Izjašnjenje o Koncept noti koja je upućena MOR-u za Izradu web aplikacije “ pružanje pravnih usluga članovima”;
- c) Blokiranje magistralnih puteva - Salem Ekmešić, potpredsjednik Skupštine;
- d) Odluka FERK-a o poskupljenju el. energije - Enver Malagić;
- e) Doprinosi za domaće uposlenike koji rade u međunarodnim organizacijama - Safudin Čengić
- f) Fisiklani uređaji - Safudin Čengić

Nakon rasprave u kojoj su učestvovali svi prisutni doneseni su sljedeći:

A.D. 10. a) b)

Upravni odbor je jednoglasno donio Odluku kojom se daje podrška za Koncept notu koja je upućena MOR-u za Projekat "Unaprjeđenje poslovnog okruženja ekonomskog rada i životnog standarda kroz izradu 8. Zakonskih prijedloga” i

“Koncept noti koja je upućena MOR-u za Izradu web aplikacije “ pružanje pravnih usluga članovima”;

A.D. 10c)

Udruženje poslodavaca FBiH će uputiti saopštenje medijima u kojem će pozvati borce i radnike da svoje opravdane proteste organiziraju na način da blokiraju rad institucija koje su im onemogućile ostvarivanje njihovih zakonima zagwarantiranih prava. Udruženje poslodavaca FBiH će apelovati borcima da ne blokiraju saobraćajnice, jer na taj način otežavaju neometano odvijanje radnih procesa u kompanijama u kojima su zaposleni članovi njihovih porodica, prijatelji i kolege, čija prava poštivaju njihovi poslodavci.

UPFBiH će uputiti otvoreno pismo svim ministrima MUP-a kantona uz zahtjev da rade svoj posao u skladu sa Zakonom.

A.D. 10 d)

Udruženje poslodavaca će uraditi analizu vezano za poskupljenje el. energije u smislu da li je poskupljenje opravdano i u skladu sa Zakonom. Također UPFBiH će doći do informacija kako i na koji način učestvovati u radu FERK-a.

A.D. 10 e)

UPFBiH će izvršiti analizu pitanja neuplaćivanja doprinosa domaćim radnicima od strane međunarodnih organizacija i institucija. Ukoliko nađe uporište u Zakonu i ukoliko bude opravdano UPFBiH će uputiti inicijativu nadležnim institucijama u smislu da se pronađe način da se međunarodnim institucijama i organizacijama onemogući kršenje zakonske regulative u smislu plaćanja doprinosa za uposlenike BiH. UPFBiH će zatražiti da se obračun doprinosa vrši u skladu sa pozitivnim zakonskim propisima u BiH.

A.D. 10 f)

UPFBiH će Inicijativu o fiskalnim kasama koju uz obrazloženje u pisanoj formi dostavi Safudin Čengić, ugraditi u postojeći tekst Inicijative za izmjene Zakona o fiskalnim sistemima.

Sjednica se završila u 14:40 sati

Zapisnik sačinila: Mersiha Jusić

Predsjednik UO
Adnan Smailbegović